



۱۷ یلول

۱۷ شوال

اعتقاد لری

جمعه کونلری نشر اولتور اسبوعی اسلام جریده سیدر .

اسعاف مطلوب

اردهن کوینده محسن بکه

قاره ناقانم !

متنازلاً ارسال بیوریلان برنجی استیضاحنامه کز ده کی ساده لکه باقاراق ذات ظریفانه کزی ساده جه برمتعلم ظن ایتش و بنای جوابمزی ده بواساس مظنون اوزرینه قورمش ایدک . صوکره متعالیا تحریر بیوریلان ایکنجی استصغار نامه کزدن چوروک بر تمل اوزرینه تأسیس بنا ایتش اولدینغمزی آکلادق سده اوزمان توسیع جوابه مساعد وقت بوله مدینغمزدن طولایی مطلوب بکرتک بعدالعيد اسعاف اولنه جفتی وعد ایلش ایدک . شمعی وعدمزی یرینه کتیرمک ارزوسیه تشریح مسئله به ابتدار ایدیورم . نظر امان ایله مطالعه بیورمه کز یکنانه املمدر .

حقیقت حالک لایقی وجهله آکلاشیلمه سنه مدار اولوق اوزره ملل واقوام مختلفه اوزرنده اجرای تأثیر وختی القای تضییق ایتکده بولنان احتساست طبعیه بی دیباچه مقال یایمق مجبوریتندیم دکل، صف بستکان مجالس، گوشه کیران مدارس بیه کوریورکه ایری دین وایری عرقه منسوب

بولنان صنوف متنوعه بشر، برحس فطرتیک اسیر آزاد ناپذیریدر . هر صنف دینی وهر نسل عرقی کندی دینداشی دیکردین منسوبه فائق کورمک ایستر وکندی عرقداشی بشقه عرق منسوبه غالب بولمق حسنی بسلر . کرک قهراً وظلماً اولسون وکرک رفقا وعدلاً اولسون هیچ بری دیکرینک نه منفرداً ، نه ده مجتمعا حاکمیتی چکه منر ، کندی همدین و همعرقلرینک هر فردینی ، ادیان و عروق سائره اصحابنک هر فردینه حاکم بر خاندانه بولماسنه مجلوب اولدینی کی هیئت مجموعہ سی ده عین حالده کورمکه مقتوندر . رجال ونسایه شامل بویه برحس دینی و عرقی ایله - مادام الحیاة - مشبوع بولتور .

صنف و عرق مخالفک بتون وارلقیه کندی دین و عرقه التحاق و انقلابی ارزوایتدیکی حالده برهمدین و همعرقنک اونلر طرفه کچمه سنه راضی اولماز . هر نه صورتیه اولورسه اولسون کندی صنفنک تکثیر افرادینه ربط قلب ایدر . افراد کی حکومتلرده بو حسی ایله متجسس لدر . بین الدول ظهور ایدهکن محاربات تخریب غایاتک عوامل مؤثره سی مباننده بو حسی اونونما لی سکز .

معلوم عالمدرکه محاربات ماضیه ولاحقه نك
اکثریسی باشقه اهالی بی کندی اها لیسنه الحاق
ایتمک ویا خود کندی همدین و همعرقی بشقه سنک
زیر حاکمیتدن چیقارمق غایه سنه معطوفدر .
بوغایه تحایل ایدیلورسه تکثیر یار و تقلیل
اغباردن عبارت اولدینی کوریلور . کندی صنفی
حاکمیت اجنبیه دن قورنارمغه چالیشور . چونکه
اجنبی نفوذی آلتده بولان افرادک مرور اعصار ،
عبور ایام ، تأثیرات محیطه ایله موجودیت دینیه
وعرقیه سی غالب ایدره ک بستیون الدن چیقاجغنی
بیلور .

افراد اجنبیه بی کندی دائره نفوذینه ادخاله
سمی ایدر .

چونکه اداره داخلیده معروض قاله جفی
موقت مشکلاته رغماً تدریجاً کندی دین وعرقه
تبدل ویا هیچ اولمازسه تقرب ایده جکنه قناعتی
واردر . بوخصوصده فرد ایله افرادک قیمتجه
فرقی نسبتسز صایله مز . چونکه فرد نتیجه
اعتباریله بر جمعیت قادر اهمیتی حازدر . برجد
اعلانک زمان حاضرده دکن امتداد ایدن سلسله
اقبال ، کوز اوکنه کثیریلورسه عظیم جمعیتلر وجوده
کلدیکی کوریلور . بشریت یاشادقچه فردن متولد
دها نه قادر جمعیتلر ظهور ایده جکنی ده بوندن
آکلایه بیلورز . بنه تکرار اوله رق عرض ایده یمکه
بوجهتجه ارکک نه ایسه قالدین ده اودر .

ایشته یوقاریدن بری عرض وایضاح ایلدیمک
اسباب وعواملک اقدام واقداریه هرملت ادخاله
چالیشیر ، فقط اخراجه روی رضا کوسترمز .
بومسرو داتمی کیم تکذب ایدرسه وقوعات ماضیه
وحاضره نك کندیسی تکذیبی قارشوسنده قالور .
دیباچه مقالی اسلوب محرراوزره کال ایستدکنصکره
مقصده مشروع ایله دیرمکه :

دین اسلام ، اهل سنتدن بر ارککله اهل
کتابدن برقادینک ازدواجنی تجویز ایتدیکی حالده
اهل کتابدن بر ارککله اهل سنتدن برقادینک
ازدواجنی تحریم ایتسی ، احتساست ملل
وسایسات دوله موافق بر حکمت شرعیه در . بوندن
طولایی ذره قادر مؤاخذه اولنه مز . مادامکه
اهل سنتله اهل کتاب دنیا و عرقا قارشی قارشی به در
هربری دیگرندن آلوب فقط ویرمه مک حسن
بسلر . بور حسن طبعی وعمومی در . بونی هرکس
کندی احتساستنه مراجعتله آکلایه بیلور . دین
اسلامده اوله برقاعده وضع ایتمکه او حسن طبعی
وعمومی بی اوخشامش اولبور .

اهل سنت نسواتی اهل کتاب رجالنه
تزویج ایتک هم احتساست طبعیه مزه ، همده
منافع موجودیتزه مخالفدر .

چونکه سابقاً عرض ایتدیمک وجهله طبعاً
همدین ، همعرقی محکوم و مغلوب کورمک
ایسته میز . زوجک زوجه اوزرنده حاکمیت ماده
ومعنویه سی بولندیقی ایسه کیمسه انکار ایدمز .
اگر انکار ایدن اولورسه « بکی خانه سعادتک زده
حاکمیت سزده می ؟ یوقسه زوجه کز خانمده می »
استفساری قارشوسنده قالور .

مادامکه حاکمیت زوجک النده در ، دینداش
وعرقداشمزی اوله بر اجنبینک نفوذ و حاکمیتی
آلتنه صوقعه هیچ بر زمان راضی اوله میز .
نصل رضا کوستره بیلورز که دیناً وعرقاً مهم
ضایعاته اوغرامش اوله جغز . بو ضایعاتک نره دن
حصوله کله جکی دیباچه ده درج اولندی ایسه ده
ایکجی مقاله ده بر نبذه دها بحث ایده جکم .

احمد شیرانی